

STRATEGIPLAN: 2020 - 2023

For bruk av midlar i Masfjorden til :

- Spesielle Miljøtiltak i Landbruket (SMIL)
- Nærings- og Miljøtiltak i Skogbruket (NMSK)
- Drenering
- Fellestiltak for planleggings-/tilretteleggingstiltak



Foto: Ottar Myrtveit - Vågset 2019

Innhald:

1. Bakgrunn.....,,,,,	2
2. Organisering av arbeidet	5
3. Landbruket i Masfjorden.....	5
4. Bruken av SMIL og NMSK-midlane	6
5. Interesse for bruk av midlane	6
6. Kommuneplanen	6
7. Næringsutvikling.....	7
8. Utfordringar i perioden	7
9. Målsetting med bruken av dei økonomiske virkemidlane.	9
10. Prioritering av bruken av dei økonomiske virkemidlane	9
11. Søknadsfristar og behandling.....	10
12. Vilkår ved tildeling av midlar	10
13. Tilskotssatsar	11

1. BAKGRUNN

I St.meld. nr. 19 (2001-02) Nye oppgaver for lokaldemokratiet – regionalt og lokalt nivå, vedtok Stortinget at ei rekkje nye oppgaver innan landbruksforvaltninga som skulle overførast til kommunane fra 01.01.2004. Dette for å styrkja det lokale sjølstyret, vitalisera lokaldemokratiet, gi kommunene bedre anledning til å sjå landbrukspolitikken i samanheng med andre samfunnsoppgaver og samtidig bidra til bedre målretting og effektivisering av statlig virkemiddelbruk. Fylkesmannen har overført nye oppgåver til kommunane sist frå 01.01.2020. Td skogsvegar og tilknytande ordningar.

GJELDANDE REGELVERK

- Forskrift om spesielle miljøtiltak i jordbruket (sist endra 20.12.2019) gjeldande frå 01.01.2020
- Nytt rundskriv til forskrift om spesielle miljøtiltak i jordbruket (2020-12) datert 20.03.2020
- Kommunale retningslinjer 2016 – 2019, oppdatert i 2019

Landbruksdirektoratet sine sider for informasjon om gjeldande regelverk;
<https://www.landbruksdirektoratet.no/no/miljo-og-okologisk/tiltak-i-beiteomrader/hvordansoke/regelverk>,

<https://www.landbruksdirektoratet.no/no/miljo-og-okologisk/spesiellemiljotiltak/om-tilskudd-til-spesielle-miljotiltak-i-jordbruket/regelverk>

GENERELLE PRIORITERINGAR OG PRESISERINGAR

1. Det kan gis tilskudd gjennom ordninga kun til søkjarar som fyller grunnvilkåra for å motta støtte etter forskrift om produksjonstilskudd i jordbruket §2 og §4. Med forskriftsendring fra 20.12.2019 kan eigar som leigar ut alt areal søkja SMIL-tilskudd om leietakar driv ein produksjon på landbrukseiendommen som utløser PT- tilskudd.
2. Søkjar må ha gjødslingsplan og sprøytejournal, samt kart over alt eid og leid jordbruksareal som foretaket til ei kvar tid disponerer. Gjødselplanen må liggja tilgjengeleg ved kontroll.
3. Tiltak for å bevare og bruke kulturminner og kulturmiljøer i skog og utmark omfattast ikkje av denne ordninga med mindre det dreier seg om kulturminner knytta til jordbruksdrift, og når slike tiltak vil bidra til gode helskaplege løysingar for kulturlandskapet.
4. Det krevest at søkjaren overheld aktuelle lover og forskrifter. Tiltak som er i strid med planar eller planvedtak etter plan- og bygningslova kan ikkje gjevast tilskot.
5. Det kan gjevast tilskot til tiltak på landbrukseiendomar i områder verna etter naturvernloven og/eller kulturminneloven når vernebestemmelsane forutsetter skjøtsel ved aktivt landbruk eller ikke er til hinder for vanlig landbruksdrift. For områder og objekter som er verna etter kulturminnelova, forutsettest at tiltak vert planlagt og godkjent i samråd med regional kulturminneforvaltning. For områder som er verna etter naturvernlova, forutsettes at tiltak vert planlagt og godkjennest i samråd med fylkesmannens miljøvernaving. Tilsvarende gjeld i områder der det foreligg verneforslag eller der det er igangsatt arbeid med vern etter kulturminnelova eller naturvernlova..
6. Vurdering av naturmangfoldlova §§8-12 skal gjennomførast som ein del av sakshandsaminga, jf. §7 i naturmangfoldlova.

7. Tiltaket må være i samsvar med dei prioriteringar som er satt i samband med gjennomføring av vannforskrifta.
8. Ved innvilgning av tilskudd til tiltak eller prosjekter under §§ 4 og 5 kan kommunen stilla vilkår som gjeld inntil 10 år fra tilskot er utbetalt.
9. Dei tilskotsberettiga arbeida bør ikkje vera satt i gang før plan, tegninger m.v. er godkjent og søknaden godkjent.
10. Kostnadar til planlegging kan tas med i kostnadsoverslaget. Dersom slike kostnader utgjør mer enn 5 % av tilskuddsgrunnlaget må dei kunna dokumenterast.
11. Maksimalt tilskudd pr landbrukseiendom er kr 200.000,- over en periode på 10 år fra tilskudd er gitt.

SØKNAD OG SØKNADSRIST

Skjema finn ein på Landbruksdirektoratet, og søknadsskjema er å finna på Altinn sine nettsider for SMIL og tilskot til tiltak i beiteområde : www/landbruksdirektoratet.no
Her finn ein all informasjon til søknaden.

Søknaden skal innehalda:

1. Søknadsskjema med beskriving av tiltak/prosjekt
 - a. Formål med tiltaket
 - b. Planer: tiltakets omfang, framdriftsplan, arbeidsbeskrivelse, tegningar m.m
 - c. Kostnadsoverslag der MVA er medrekna i oppsettet. Ved større prosjekter skal finansieringsplan utarbeidast.
 - d. Kart som viser landbrukseigedomens plassering/tiltaket
 - e. Fotografier som viser bygningar og/eller elementer som er omsøkt.
2. Områdets status i kommuneplan
3. Eventuell fredningsstatus i medhold til kulturminnelov, naturvernlov eller regulering til spesialområde etter plan- og bygningsloven.
4. Skriftlege avtalar som er av betydning for søknaden.
5. Avtaler om gjennomføring av fellestiltak

.

§4. Tilskot til planleggings- og tilretteleggingsprosjekter

Formålet med ordninga er å leggja forholda til rette for større prosjekt som fører fram til konkrete kulturlandskaps- og forureiningstiltak. Fellestiltak vert gjennomft av flere søkjarar, med gjensidige forpliktelsar. Det skal foreleggja skriftleg avtale med grunneigarane som vert berørt av tiltaket.

Følgjande tiltak kan prioriterast

Områdetiltak handlar om planlegging og lokalt mobiliseringsarbeid:

- Knytta til landskap og miljø i lokalsamfunnet o I et geografisk avgrensa område (grend, dalside, nedslagsfelt, vassdrag) o I områder der det drivest landbruksdrift
- For å få en heiskapleg miljørådgjeving og landskapsutvikling i prosjektområdet

2. Organisering av arbeidet

Etter forskrifta for SMIL-midlane §8 og NMSK-midlane §3 skal kommunen fastsetja overordna retningslinjer for prioritering av søknadar. Dei skal utarbeidast i dialog med fylkesmannen og næringsorganisasjonane i jordbruket lokalt.

Planen vert sendt til faglaga for uttale. TU - Teknisk utval rår etter møte **10.03.2020** til at planen vert sendt på høyring til:

Masfjorden bondelag, Masfjorden bonde og småbrukarlag, Masfjorden sau og geit og skogeigarlaget.

Strategiplanen skal godkjennast av formannskapet i kommunen. Forvaltninga av tilskotsordningane er delegert til den administrative landbruksforvaltninga, organisert under TML - teknisk miljø og landbruk.

3. Landbruket i Masfjorden kommune

LANDBRUK – tal frå produksjonstilskot: 2013- 2019

	2019	2018	2017	2016	2015	2014	2013
Produksjonstilskot	9.449.754	9.861.225	9.745.522	9.635.368	10.248.97	9.759.482	8.997.364
Avløysartilskot	1.550.007				2		
Bruk	69	71	72	69	65	70	71
Mjølkebruk	12	12	12	12	11	11	12
Mjølkekyr/ameku	155/7	160	158/8	148/11	129/8	137/10	125/17
Storfe	245	264	266	295	277	316	253
Sauebruk	59	60	59	57	55	55	56
Sauer vfs -vinterfora sau	3057	2308	2215	2548	2536	2727	2419
Geit -ammegeit	59	70	91	154	103	234	324
Kylling	0	Ca60000	11225	148708	288832	290000	290000
Esel/Lama/Alpakka	5/9/4	-	-	-	-	-	-
Hest over 3 år	11						
Slaktegris	21						

Landbruks eigendomar totalt	Eigendomar over 5 daa	Minst 25 daa skog	Jordbruks areal i alt	I drift	produktivt skogareal
263	236	212	8679	6992	96235

Skogbruk:

Produktivt skogareal i Masfjorden kommune er: 96235 daa. I dei seinare år er det svært lite avvikla skog. I 2008 vart det laga skogbruksplanar på ca 1/3 av bruka som søker PT. Her er heller lite granskog ca 18%, men mykje naturleg furu (51%) og resten lauvskog. Store delar av skogen er vidare blandingsskog med furu og lauv. Det er i dag stort sett berre granskog som gjev eit overskot. Furu av god kvalitet er det ikkje mange samanhengande større felt av i Masfjorden. Her er likevel eit stort potensiale for vidareforedling lokalt av spesielt furu då få sagbruk tek i mot furu pr dd. Det er ein heil del skogsvegar, men ikkje alle held krav til vegstandard. Avkjørslene som er bygde må også vurderast på ny om her kjem ein uthogst av litt omfang.

4. Bruken av SMIL og NMSK-midlane

SMIL ordninga har lagt på rundt 70.000 – 100.000/år i tilskot og tilskotsprosenten har stort sett vore 35% dei siste 10 år. Alle søknader vert no behandla i Agros programmet der behandling og del/sluttutbetaling skjer.

Kommunane fekk ansvar for drenering i 2013. Evt. inndregne midlar blir brukt til prosjekt som er søkt på etter fristen, alle tildelte/inndratte midlar blir brukt opp.

5. Interesse for bruk av midlane

Det ein ser er at etterspurnaden etter SMIL-midlane har vore så stor at midlane har vorte brukt opp kvart år. Ordninga er kjent gjennom heimeside og ellers i media.

NMSK-midlane har det vore lite etterspurnad etter, og det er heller ikkje mykje midlar som løyvest. Ordningane er ikkje tilstrekkelig kjent blant alle skogeigarane, så kunngjering og søknadsfrist kunne vere ei løysing for å få fleire ut i skogen og til å søkje midlar. Historisk har generelt aktiviteten vore heller lav i skogen. Tømmeromsetning krev granskog av bra kvalitet og med vegutløysing. I 2019 vart 5-6 områder vurdert av vestskog saman med grunneigarar og kommunen. Ingen var økonomisk drivverdig med hogstmaskin pga for små teigar, avstand og/eller vegutløysing. Lokalforedling har difor eit potensiale samt bruk av anna utstyr enn hogstmaskiner.

6. Kommuneplanen

I samfunnsdelen til kommuneplanen er det sett opp mål og retningsliner for ulike område.

For næringsutvikling er hovudmålet at Masfjorden kommune skal ha eit lønnsamt næringsliv og eit sterkt kompetansmiljø, som vert omtala som berekraftig og nyskapande.

- Masfjorden vil satse på vidareutvikling av primærnæringane, og ser på garden som ein viktig ressurs. Ein skal mellom anna:
- Motivere grunneigarane og vere ein aktiv medspelar for grunneigarane som ser, eller ynskjer å utvikle fleire moglegheiter på eigen gard
- Arbeide for å utnytte ressursane og moglegheiter i primærnæringane, for å skape nye arbeidsplassar t.d innafor Inn på tunet, opplæring eller andre område.
- Masfjorden vil satse på reiseliv basert på natur – kultur – helse
- Stimulere grunneigarane til stell og pleie av kulturlandskapet
- Motivere til vedlikehald og restaurering av gamle bygningar
- Synleggjera kulturlandskapet og dei gamle skikkane, og bruke produktet innan turisme

7. Næringsutvikling

Masfjorden ynskjer at landbruksnæringa si fremste oppgåve er å produsere mat og trevirke – i tråd med marknaden. Ved sidan av dette forvaltar næringa store fellesverdiar. Landbruket er grunnlaget for kulturlandskap og levande bygder, viktig for økonomisk verdiskaping og sysselsetting. Likevel står næringa ovanfor store utfordringar: Strukturendring, dårleg lønsemd og svak rekruttering. Landbruket skal vere synleg i samfunnet og halde ved like og utvikla godt omdømme – som mat og matsikkerheit, berekraft, kulturverdiar og rolle i lokalsamfunnet. Det er eit mål å ta vare på jordbruket sitt produksjonsareal og å auke beitebruken både i areal og tal dyr. Det er også eit mål at Vestland fylke skal vere eit fylke som vil arbeide for å nå nasjonale mål og klimagassreduksjonar og forureining frå landbruket.

Overordna mål i landbruksmeldinga som kan vere aktuell for SMIL/NMSK og tiltak i beiteområder:

Auka verdiskaping – meir basert på lokale ressursar

- Auka beitebruk
- Ta vare på produksjonsarealet
- Miljø- og klimavennlege løysingar
- Redusert avrenning frå landbruksareal
- Planting av skog på hogstflater
- Skogkulturtiltak i yngre skog

8. Utfordringar i perioden

Masfjorden kommune er ein liten/middels stor landbrukskommune. Areal totalt 556,09 km²; Landareal 510,29 km²; Vatn: 45,8 km²

Strukturendringane i landbruket går frå mange små bruk til færre bruk med leigebruk. Driftseiningane vert difor større. Dei siste 10 åra har det likevel vore stabilt i Masfjorden. Det har vore litt, men ikkje stor investeringsvilje. Det er ca 70 aktive føretak med stort og smått. Av desse er det 12 bruk med kyr og ca 60 bruk med sauer. For desse er det aktuelt med større og betre beite i tillegg til ureiningstiltak, som også er eit nasjonalt mål for SMIL-midlane.

Kulturminna steingardane våre utgjer viktige kulturminne og linjer i landskapet. Samtidig har dei ein funksjon som skilje mellom eigedomar eller gjerde. Der steingardane er godt bygde, bør ein kunne løyve midlar til reparasjon. Kvernhus, utslåttløer og andre Sefrak-registrerte bygningar har stor verdi som kulturminne.

Kulturlandskap og biologisk mangfald vert best tekne vare på ved eit aktivt landbruk. Det meste av jordbruksarealet i kommunen er framleis i bruk, men slått og beite på bratte og/eller små teigar gror att. Dei er ikkje lenger rasjonelt haustande med dagens haustingsutsyr. Utsikt forsvinn. Slikt areal vil lettast verta stelt om der vert rasjonelle gjerdeordningar for beiting av husdyr. Gamle eller manglande gjerder gjer beiting utfordrande. Det bør vere eit vilkår å fjerna både gamle gjerde og piggråd når ein set opp nytt gjerde.

Rydding av slåtte- og beitemark som veks att er eit anna mål. Biologisk mangfald, artar som er raudlista og sjeldne artar, er avhengig av beiting og slått. Kystlynghei er ikkje kartlagt i Masfjorden, men her er mange holmar og areal som kunne nyttast langt betre med aktivt stell. Der mindre hogstfelt kan gje rasjonelle beite, gjerne nær driftsbygning bør ein kunne få tilskot til nye gjerde.

Ugrastynning er eit forsømt felt, spesielt der jorda vert lite brukt. Me ser knappsiv, høymole og syregras/solleie breier om seg der drifta er svak. Men dette er tiltak som kjem inn under ordinær landbruksdrift, utan ekstra tilskot. Drenering kan vera aktuelt. Tilskotsordninga bør nyttast betre.

Ferdseltiltak/stiar: å opne gamle stiar gjennom kulturlandskapet og gjere det attraktivt for ferdsle er eit anna tiltak som kjem mange til gode. Det kan vere spesielt aktuelt der ein har utsiktspunkt og kulturminne, men også der ein berre har kulturlandskap. Rydding av utsiktspunkt, grinder, grusing, skilting og rasteplassar kan vere aktuelle tiltak. Aktuelt som samarbeidsprosjekt mellom fleire aktørar. Det vil gje auka trivsel i bygdene på fleire vis. Stiane opp til stølsmiljøa i Masfjorden er det viktig å halda opne og ved like. Tilrettelegging og skilting ligg difor i handlingsplanen i kulturminneplanen.

Ureining Masfjorden kommune er ein vidstrekt landbrukskommune med langt mellom mange gardsbruk. Det vert brukt mykje tungt utsyr på gardsbruka, godt drenerte areal er viktig for å auke bæreevna. Tilskot til drenering er ei eiga ordning. SMIL-midlane kan godt brukast til avskjæringsgrøfter i beite og for å opne tildegare lukka elvar, eller førebygging av erosjon av elvar/flomsikring. Det kan vere endra driftsopplegg, bygningsendringar eller oppsamlingsanlegg/renseanlegg. Tak over gjødsellager kan godkjennast.

Rundballeplast er også ei ureingskjelde om det kjem på avvegar. Her er det etabler to mottaksplassar, Haukeland og Mjanger og årleg innsamling som vert kunngjort til PT søkjarane.

Lagerplass med drenering for rundballar er aktuelt. Det same gjeld oppsamling av avrenning for utegåande storfe.

Andre utfordringar. Tidlegare har mykje av SMIL-midlane gått til gjerding, også mot nabo. Eit samarbeid på tvers av nabogrensene hadde gitt betre bruk av midlane, med inngjerding av større areal med mindre mengde gjerdemateriell. Slike samarbeidstiltak bør derfor prioriterast føre enkelttiltak.

SMIL-ordninga dekkjer som oftast berre ein liten del av kostnaden. Men ei løyving kan samordnast med andre tilskotsordningar. Kommunen bør rettleie om muligheitene til å søkje fleire ordningar.

Avlingskade har førekome i komunen både frostskade og turkeskade. Gardsbruk med store avlingstap kan søkje om erstatning innan 31. oktober. Søknadsfristen er endeleg. Ein søker elektronisk via Altinn.

9. Målsetting med bruken av dei økonomiske virkemidlane

SMIL- og tiltak i beiteområder:

1. Hindre attgroiing av kulturlandskapet og tap av biologisk mangfald
2. Tiltak som fremjar beitebruk
3. Redusere ureining frå jordbruket
4. Ta vare på viktige kulturminne og kulturmiljø, og andre element i kulturlandskapet
5. Hindre forfall og sette i stand eldre, verneverdige bygningar
6. Legge til rette for ferdsel til viktige kulturminne og kulturmiljø

NMSK-midler

1. Fremja auka planting i skogbruket
2. Ungskogpleie
3. Kvalitetsfremjande tiltak i skogen som på sikt kan gje auka lønsemd td treslagskifte. 4.
Auka hogst

10. Prioritering av bruken av dei økonomiske virkemidlane

SMIL-midler:

1. Hindre attgroiing og fremje beitebruk i kulturlandskapet
2. Ureiningstiltak i jordbruket
3. Stell av kulturminne og kulturmiljø
4. Tiltak som fremjar ålmenta sin tilgang til kulturlandskapet
5. Verneverdige bygningar

Beitebruksmidlane:

1. Tilrettelegging for ei rasjonell utnytting av utmarka med fellestiltak
2. Tiltak for redusering av tap av dyr på beitet.
3. Samarbeidsprosjekt om tilsyn, overvåging ol.

NMSK:

1. Planting og plantearbeid, suppleringsplanting
2. Ungskogpleie – etterarbeid
3. Tynning
4. Andre miljøtiltak i skogbruket
5. Grøfting, flaterydding og markberedning

Tiltak med klimaeffekt har prioritet. Ved prioriteringane skal ein også vurdere søknadane ut frå naturmangfaldlova.

Målsetjing og prioritering for beitebruksmidlane.

- Planlegging og prosjektering av faste installasjonar
- Ny organisering av beitelag og utmarksbeiteområder
- Prosjektretta arbeid for stimulering til auka beitebruk og rasjonell utnytting av beita
- Tidsbegrensa utprøving av nytt utstyr som kan bidra til effektiv og god beitebruk
- Utarbeidelse av planer (beitebruksplan, tiltaksplan, beredskapsplan mv.) for utmarksbeite
- Vegetasjonskartlegging

11. Søknadsfristar og behandling

Søknadsfrist for SMIL-ordninga er 1.mai kvart år, men **1.juni i 2020** med løyving innan utgangen av mai/**juni**. Dersom ikkje alle midlane vert løyvd, eller midlar blir dratt inn, kan ein ha ny søknadsfrist/tildeling på hausten.

Søknadsfrist for dreneringstilskot er 1.mai kvart år, men **1.juni i 2020** med løyving innan utgangen av mai/**juni**

Søknadsfrist for NMSK-midlar og tilskot til tiltak i beiteområd er **1.oktober kvart år**.

Søknadane vert handsama av Masfjorden kommunen administrativt og referert i TU – Teknisk Utval.

12. Vilkår ved tildeling av midlar på alle ordningane, sjå pkt 10.

Det skal nyttast særskilte skjema for ordningane, med nødvendige vedlegg. Om ein ikkje har nok midlar og søkjar får avslag, må ein eventuelt søkje på nytt neste søknadsomgang.

- Tiltak som er begynt på kan ikkje tildelast midlar
- Det vert ikkje løyvd tilskot til arbeid med gravemaskin ved rydding/skjøtsel av gamal kulturmark
- Der grunneigar ikkje er søkjar, må skriftleg løyve frå grunneigar leggst ved søknaden. Leigeavtalen bør vere på 10 år.
- Søkjar vert ikkje prioritert om ein har søknadar som ikkje er avslutta/prosjekt frå tidlegare.
- Kommunen kan sette villkår for arbeidet og for vedlikehald i inntil 10 år.
- 25 % av dei løyvde midlane vert helde tilbake inntil arbeidet er utført og rekneskapet er godkjent
- Arbeidsfristen er 3 år. Fristen kan forlengast til maksimalt 5 år.

13. Tilskotssatsar

SMIL:

For alle SMIL-tiltak kan ein løyve 35 - 50% av godkjent kostnadsoverslag. Det er eit øvre tak for kostnadsoverslag på kr 200.000,-

NMSK Satsane for nokre tilskot til skogbruksføremål vert justert årleg av Fylkesmannen. Andre satsar kan fastsettast av kommunen.

- Planting og plantearbeid, suppleringsplanting: Inntil 30 % av godkjent kostnad. Inntil 1500 kr/daa
- Ungskogpleie – etterarbeid Inntil 30% av godkjent kostnad. Inntil 450 kr/daa
- Tynning til areal på minst 2 daa, med minst uttak på 3m³/daa; tilskot 150kr/m³, maks 450 kr /daa

Satsane kan endrast av kommunen, i takt med prisstigning.

Søknaden vert send via AGROS, elektronisk søknadssystem.

Slik gjer du:

- Gå til siden www.altinn.no på internett
- Logg deg inn med MinID, BankID eller liknande
- Velg landbruksforetaket ditt som Aktør, eventuelt deg sjølv som privatperson dersom du søker om tilskot til drenering som privatperson
- Søk opp og velg skjemaet Tilskudd til spesielle miljøtiltak i jordbruket (SMIL) eller tilskot til drenering i jordbruket.
- Legg inn informasjon om tiltaket og last opp nødvendige vedlegg (kart er eksempelvis obligatorisk).
- Søknaden sendest automatisk til Masfjorden kommune.

Søknaden skal inneholde opplysninger om:

- Formålet med tiltaket/tiltakene.
- Planar: tiltakets omfang, framdriftsplan, arbeidsbeskriving, teikninger m.m.
- Kartfesta oversikt over miljøverdiane på landbrukseiendomen (tidligere miljøplan trinn 2) • Spesifisert kostnadsoverslag og finansieringsplan

Forurensningstiltak, eks:

- Tiltak for etablering, skjøtsel og/eller bevaring av kantvegetasjon langs elver, bekker og åpne kanalar
- Dekke på gjødselkum (nytt tiltak) Tilskuddsats: Inntil 70 % for fellestiltak. Inntil kr 30,-per løpemeter for avskjæringsgrøfter og inntil 50% for utbedring av øvrige hydrotekniske anlegg på gårdsbruk. Inntil 50 % for øvrige forurensningstiltak.

Anna informasjon:

- Søkjar må kunne dokumentere gjødselplan, sprøytejournal og kart over alle skifter som disponerast, dvs. at vilkåra i §§ 2, 3 og 4 i forskrift om produksjonstilskudd og avløsertilskudd i jordbruket er oppfylt.
- Eventuelt fotografier som viser arealer, bygninger og/eller elementer det søkes tilskudd for.
- Skriftlig godkjenning/avtale fra landbrukseiendommens eier, dersom det er en annen enn søker.
- Leigekontraktar, dersom jorda er bortleid og skriftleg avtale om gjennomføring av fellestiltak.

Søknad skal registrerast i ALTINN. Søknadsfrist: 1. Mai (1.juni 2020)

Søknaden vert registrert inn i Masfjorden kommune.

Veiledende prisar til bruk ved søknad:

Type arbeid

Veileiande pris:

Egeninnsats arbeid

250,-pr time

Bruk av egen traktor inkl redskap og sjåfør 500,-pr time(eks.mva)

Rydding av beite/slåtteeareal: 1000–5000,-per daa (Sats vurderes ut fra terreng og mengde vegetasjon som skal ryddast)

Det kan gis tilskot til:

Planleggings-og tilretteleggingsprosjekt, eks.

Det kan gjevast tilskot til ulike kostnadar til planlegging, registreringar og tilrettelegging for større fellestiltak. Formålet med slike prosjekter er å legge forholdene til rette for større heilhetlege prosjekter over større områder, for eksempel knyttet til et vassdrag eller ei grend. Slike planleggings-og tilretteleggingsprosjekt bør munna ut i gode og konkrete kulturlandskaps- og/eller forurensningstiltak.

Planleggingsprosjekter, teknisk planlegging, også hos enkeltsøkjarar, ved større prosjekter. Tilskuddsats: inntil 75 %

Kulturlandskapstiltak, eks.

- Rydding og istandsettjing av gamle beiter, kulturmark og slåttelandskap
- Istandsettjing og bevaring av verneverdige eller særeigne bygninger og kulturminner/kulturmiljø

Tilskuddsats: Inntil 70 % for fellestiltak og tiltak som kjem ålmenta til gode. Inntil 50 % for øvrige kulturlandskapstiltak

Tilskot til tiltak i beiteområde

Lokal retningslinjer for tilskot til tiltak i beiteområder. I rundskrivet frå Landbruksdirektoratet står det at kommunane skal fastetje lokale retningslinjer, og at ein gjerne kan sjå desse i samanheng med SMIL. Sidan det no er kort tid før beitesesongen startar, lyser me ut midlane utan noko omfattande arbeid med å lage nye retningslinjer før denne beitesesongen. Masfjorden kommune vel å forvalte midlane i tråd med dei retningslinjene som fylkesmannen brukte i 2019

For beitelag som er råka av freda rovvilt kan det vere aktuelt å søke om FKTmidlar på til dømes elektroniske bjøller. Søknadsfristen er 15. februar.

Døme på aktuelle tiltak er:

- *Sanke- og skiljeanlegg*
- *Bruer dimensjonert for dyr og folk*
- *Sperregjerde for å sikre at dyr ikkje kjem inn i farleg område*
- *Gjetarhytter/sankehytter*
- *Elektronisk overvakingsutstyr*

Vedlegg til søknaden: kart og aktuelle avtalar.

